

آبونه شرائطی

ممالك عثمانیه ده سنه لکی (۶۵)، آلی
ایلی (۲۵) غروشدور .
ممالك اجنیه ده سنه لکی (۱۷)، آلی
ایلی (۹) قرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدلین یازیلرا حاده
اولونماز .

المجله

۱۳۳۰

دینی، فلسفی، علمی، ادبی هفته لقی مجموعه اسلامیه در .

صاحب و مدیر مسئول
اشرف ادیب

باش محرر
محمد طاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۱۷

۲۱ محرم ۱۳۳۳

پنجشنبه

۲۷ تشرين ثانی ۱۳۳۰

جلد ۱۳

اخطارات

رساله مزدن آلتدینی کوسترملک شرطیه
بتون یازیلر هر هانکی برغزته طرفندن
اقتباس اولونه بیلیر .

§

مکتوبلارک، امضالری واضح و اونا قوولی
اولسی و آبونه صره نومروسق هتوی
بولونسی لازمدر .

§

ممالك اجنیه ایچون آبونه اولانلرک
آدرس لرینک فرالسزجه ده یازلسی رجا
اولنور .

§

پاره کوندرلدیکی زمان ته یه دائر اولدیغناک
واضحاً بیلدیرلسی رجا اولنور .

مال شریفی

الله یولنده قتل اولونمق بورجندن باشقه هر کناهه کفارتدر .
بوحدیث شریفی مسلم عبدالله ابن عمرو رضی الله عنہمن ، ترمذی
انس رضی الله عنہمن روایت ایدیور .

حدیث شریف

یضحک الله الى رجلین یقتل احدهما الآخر کلاهما یدخل الجنة
فقالوا کیف یارسول الله قال یقاتل هذا فی سبیل الله عزوجل فیستشهد
ثم یتوب الله علی القاتل فیسلم فیقاتل فی سبیل الله عزوجل فیستشهد .

مال شریفی

حق جل و علا حضرتلری ایکی کشینک حالندن (خوشنود
اولارق) کولر . بونلر بری دیکرینی قتل ایتمش اولارق جنته کیرن
ایکی کیشیدر . « یارسول الله ، بوناصل اولور ؟ » دینجه : « بری

الله عز وجل یولنده قتاله کیریشیرده شهید اولور . صوکره الله تعالی
قاتلک توبه سنی قبول ایدرده ایمانه کلیر . اوده الله عزوجل یولنده حربه
کیریشیرده شهید اولور . « بوبوردیلر .
بوحدیث شریفی بخاری ، مسلم ، نسائی ، ابن ماجه ، امام احمد
بن حنبل ابوهریره رضی الله عنہمن روایت ایدیورلر .

حدیث شریف

لا یجتمع کافر و قاتله فی النار ابدا .

مال شریفی

(انسانی جهادده قتل اولونان) هیچ برکافر ایله قاتلی جهنمده
ابدیاً بولوشمازلر .
بوحدیث شریفی مسلم ایله ابو داود ابوهریره رضی الله عنہمن
روایت ایدیورلر . احمد نعیم

جهاد اکبر - تبوک سفرهایونی

اطلاق و تعمیم ایدی . شو حالده اعمالر ، کوتوروملر ، اسیر فراش
خستهلر ، هرم دیدلر ، شامه قادار اوزاق بر مسافهیه ماشیاً کتمکدن
عاجز اختیارلر نه یاپه جقلر ، بویله عتاب آلود ، بوقادار قطعی بر
امر الهی به ناصیل اجابت ایدم بیله جکلردی ؟ عقل ، بوطبقات اعذار
اصحابی امرک دائره عموم و شمولندن تخصیص واستثنا ایتک ایسته بوردی .
او عاجل ، او مبرم سفر برک هنکامنده اعرابدن برطاقی حضور
قدسیت نشور جناب رسالتیناء اعظمی به (علیه الصلاة والسلام)
کلور ، عرض اعتذار ایله قالمه لرینه مساعدده بوبورلمسنى استرحام
ایدیورلردی .

بناء علیه جناب حق (جل شانہ) حکم استثنا و تخصیص بالذات
شو آیت جلیله ایله بیان و ایضاح بوبوردی : « لیس علی الضعفاء
ولا علی المرضى ولا علی الذین لا یجدون ما ینفقون حرج اذا نصحوا لله ورسوله
ما علی المحسنین من سبیل والله غفور رحیم . » ضعفایه ، مرضایه ،
برده زاد سفرینی تدارکدن عاجز اولانلره - الله ورسول الله ایمانلرینی
اخلاص ایتلری شرطیله - وبال یوقدر . ایمانلرینی رتبه بالاترین احسان
وشهوده ایصال ایدنلر معاتبه و مؤاخذمدهن مصوندر . اللهمک مغفرت
ورحمتی مبذول وبی پایاندر . »

بو آیت کریمه ده (ضعفاء) کیملردر ؟ خسته لرده بونلر میاننده میدرلر ؟
اویله اولسه (ولا علی المرضى) جمله جلیله سی عطف الشیء علی نفسه
قیلندن اولماق لازم کلیر . بونک بطلانی ایسه بدیهیدر . شو تقدیرده
(ضعفادن) مقصد : هرم دیدلر ، مشاق سفره تحمل ایدم بیله جک
قدرت بدنیه دن محروم خلقة ضعیف وجودلر ، (مرضی) دن مرادده :
اسیر فراش ، خستهلر ... اعمالر ، کوتوروملر ، طوبالدرده بونلر

وقتا که ولی نعمت جهان انسانیت و مدنیت (علیه الصلاة والسلام)
افندیمز حضرتلری شامده روم قیصری هرقلک تحشیدات حربیه سنه
قارشى ، نفیر عام صورتیله ، اعلان جهاد بوبوردیلر ؛ صنوف عوامدن
بعضلری بومهم فرمان هایون رسالت پناهی بی (علیه الصلاة والسلام)
حقیه ادراک واحاطه ایدممه مک یوزندن ، اجابتده آغیر جهاد اوراندیلر .
بونلرک هر بری ، کندی و اهمه سندن بر معذرت ایمادینه چالیشیوردی .
وقت ایسه پک دار ، بکن آنلرک هر بری بر حیات ابدی قادار قیمتدار
ایدی . ایسته بواننده شوو آیت جلیله عتاب ، جلالت افزای نزول
اولدی : « یا ایها الذین آمنوا مالکم اذا قیل لکم انفروا فی سبیل الله
اننا قلتم الى الارض ؟ ارضیتم بالحیوة الدنیا من الآخرة فماتع الحیوة الدنیا
فی الآخرة الا القلیل ؛ الانفروا یمذبکم عذاباً الیماً و یستبدل قوماً غیرکم
ولا تضروه شیئاً ؛ والله علی کل شیء قذیر . » ای ایمان ایدن کیسهلر ؛
منزه ، هابدی هیکز جهاده ... ، دینلجه نه اویله یره یاپیشوب
قالدیکز ؟ یوقسه آخرته بدل حیات دنیا به قانع و راضی می اولدیکز ؟
بیلمه لیسیکز که حیات دنیا ، آخرته ، نعیم ابدی به نسبت بر قاج
کونلک حیات موقتدن باشقه برشی دکلدیر . اکر سز عموماً رسولک
امر جهادینه مطاوعت و مسارعت ایتمز سه کز سزی ربکز مدهش بر
عذاب ایله هلاک ایدر و یریکزه باشقه بر قوم یاراتیر . اللهمک قدرتی
تناهی شانندن منز و متعالیدر . « ایسته بو خطاب توبیسخ » انفروا
خفافاً و ثقلاً » امر وجوبیسنک بر مقصدمه سی ایدی .
نفیر عام فرمان الهیسی خفاف و ثقلاً بوتون مخاطبین و مکلفینی
- بلا استثنا - دائره عموم و شمولته آلیوردی .
« خفاف و ثقلاً » دن مراد الهی نه ایدی ؟ شبهه سزدرکه بوبرقید

میاننده داخل بولونیورلر .

زاد سفرلرینی تدارکدن عاجز اولانلر ایسه آریجه تصریح واستثنا بویوریلور . چونکه بونلرک عذرلری ضعف ویا معلولیت کی بدنی دکل . عارضیدر . بونلرک اردوی هایونه التحاقلری - اوزمانه کوره - ضیق معیشتی موجب اولوردی .

ایشته نفیرغام صورتیله جهاده مأمور اولانلردن قرآن حکیمک تخصیص واستثنا بویوریلور دینی اصحاب اعذارا بونلردن ماعداسی هیچ برهانه ایله کری قالامازلر . والا اردوی اسلامک اعدای دینه قارشئ ضعفه ، مغلوبیتته ، وطن اسلامک بامال مشرکین اولمسنه نوعما رضا کوسترمکدر ، که بوعظیم جنایتی ارتکاب ایدیه بیله جک صحیح الایمان هیچ بر مؤمنک وجودی تصور اولونه ماز . مکر که تخلفی اولوالامرک بر لزوم صحیح اوزرینه ، مساعده ویا امرینه مستداوله . خلاصه : شوآیت جلیلهک عبارتده وشارتندن ده واضحاً ا کلاشیلیور که - اصحاب اعذاردن باشقه - بوتون مسلمانلر بلااستثنا اطاعت مطلقه ایله قرآن حکیمک عسکریدر . امیرالمؤمنین لزوم واجتیاج کوردو جکه صنف صنف جهاده دعوت ایدر ، چاغریلارلر درحال لواء جهاد آلتنه قوشارلر .

اصحاب اعذار ایچین ابذال بویوریلان مساعده الهیه بی مبشر بوآیت کریمه ده کی (اذانسحوالله ورسوله) جمله کریمه می عذرک بلا معاتبه ومؤاخذه قبولی غایت مهم بر شرطه تعلیق ایدیور . بوده الله ورسول الله رتبه احسان وشهوده ارتقا واعتلا ایتش لا یتزلزل بر ایمانه مالک اولماق ... بویله صدیقی بر ایمان اکمل واجمل صاحبی - دوشونولسون که - فریضه مقدسه جهاددن ، نعمت عظمای غزادن ممنوع ومهجور قالدیغنه نه قادر دلخون اولور . مانعی اقتحام ایدیجه ناصیل قوش کی میدان حربه اوجار .

بویله بر ایمان مجسمی حربدن الیقویان مانعک نه درجه مقاومت سوز اولمی لازم کله جکی ادنی تأمله بیله محتاج دکادر .

بوجهله جلیله شرطیه بی حکمای مفسریندن فخر الدین رازی حضرتلری شویله تفسیر ایدیور : « مملکتده قالان بوحقیقی اصحاب اعذار اولا : بلدهده الفاء اراجیفدن ، آتش فتنه وفساد آلودلریمکدن بغایت احتراز واجتناب ایدرلر . ثانیاً : اردوی اسلامه خیرنامه هر نوع معاونت مادیه ومعنویه ایصالنه بوتون قوت وقدرت لریله چالیشیرلر . مجاهدینک خانه لرینه کندی خانه لری کی باقارلر . نقداً وبدناً یاردم ایدرلر . زوجلرینک حیاتلرینه ، صحت وعافیتلرینه دائر تسلیت ومسرت آمیز خبرلر ویررلر . عائله لرینک ، جکر پاره لرینک صحت وعافیتده اولدقلرینه ، هر درلو احتیاجلری تحت تأمینه آیلندیغنه دائر مجاهدینه بشارت نامه لر یازارلر . نه کوزل ، نه عارقاله ، نه حکیمانه تفسیر !

مراتب ایمانک شهود واحسان درجه سی ایچین بوتفسیر آزدربیلر . بویله اکمل ایمان صاحبلری ایچین بومعاونتلر ، بوخدمتلر ، بوغیرتلر ، بوممتلر بر شرف دکل ، بر فریضه در . جهاده کیده مه مکدن متولد تائر وحجانی تعدیل ایدیه بیله جک - نظرانده بک دکرمنز - بر ایش .

اسلامیت نامه ، مکارم ومحاسن اخلاق نامه بوعلوی حسلری ، بویوجه دویغولری حامل اولان برملته هانکی جمعیت بشریه رقابت ایدیه بیلیر ؟ بونکون شوکتلو خلیفه اسلام ، امیرالمؤمنین افندیمن حضرتلرینک اردوی هایونلری موسقوف کی ، انکلیر کی ایکی بویوک دشمنله قافقاسیانک انسان بونی کچن قارلی وادیلرنده ، سویش قنالی اطرافنده چاریشیور . لواء الحمد خلافتی : خلافت اسلامیه بی و آنی برج استقلالنده طاشیمان محترم ومقدس عثمانلیغی اوج بویوک خصم توحیدک حکم اعدامندن قورتارمغه چالیشیور . حیاتی فدا ایتش ، موتک اوزرینه بویوریلور . بوقادر علوی ، بوقدر مقدس برغایه اوزرنده فدای جان ایدن بومحترم جیش اسلامی کریده قالان دین قاردشلی دوشونمزسه کیم دوشونیر ؟ بونلرک حفظ حیاتلری دردینی چکمزسه کیم چکر ؟ بونلره یاردم ایتزسه کیم ایدر ؟ بونلرک عائله لرینه ، جکر پاره لرینه دست تعاون وحمایه بی اوزاتمازسه کیم اوزاتیر ؟ اوعائله لرک ، اویااوروجقلرک کوزیاشارینی دیندیرمنز ، اونلره تسلیت ویرمنزسه کیم ویریر ؟ قانلرینه صوصامش جانوار دشمنلری ؟ خلافت مقدسه احمدیه بی تا جان نئوندن ووروب ثولدورمکه چالیشان موسقوفلر ، انکلیرلر ، فرانسرلری ؟ ذره قادر حس دینی وملی صاحبی اولان هر هانکی برمسلمان بواه شالمنز تاریخی کونده استقلال اسلامک ، سلطنت قرآنک اوزرینه صالدران اوج متفق ظلم ووحشتک ، اوج قابل انسانیتک یادمیر پنجه سی قوباروب پارچه لایاراق حیاتی قورتاراجغنی ویا لا قدرالله ابداً کوز ثوننه کترینجه مصروعلر کی وجودی تیتزر ، قانی آتشلریر ، سینیه سی شیشر ، کوزلری دولار . حربه اشتراک قدرت بدنیه سی وارسه - هیچ اولمازسه اوجاهدین توحیده سسقالق ایدیه بیلیمک ویا یایه بیله جکی مناسب برایشی درعهده ایتک ایچین - قوشار ، التحاق ایدر . اکر بوکا قدرتی یوقسه « اذانسحوالله ورسوله » جمله جلیله قرانیه سنک - ایکنجی درجه ده - تحمیل ایتدیکی فرائض مهمه بی کمال اسف ومحجوبیتله ایفایه قوشار ، بونکون حضرت قرآن حکیم مؤمن ومعتقدلرینه « ان تنصروالله ینصرکم » اکر سز اللهه ، اللهک ازیلی دیننه یاردم ایدرسه کز الله ده سز یاردم ایدر . « کلام ازیلسنی بک بوکسک برسسله اوقیور . بونظم جلیله « ان لم تنصروالله لم ینصرکم » اکر سز اللهه ، دین حقنه یاردم ایتزسه کز الله ده سز یاردم ایتز . « مفهوم مخالفی معتبردر . معتبر اولمسه بز دین حقه یاردم ایتسه کده ایتسه کده اللهک بز یاردم ایتمی جوازینه قائل اولماق لازمه کلیر . بونلرک بطلانی ایسه صیغه شرطیه آب آشکاره کوستریور . جناب حق جل شاننه یاردم احتیاجندن منز و متعالی ایکن دین حقه یاردمی ذات پاکنه یاردم کی کوستریور دین حقه نصرتک درجه اهمیتی ا کلاشیملی ! هایدی ای مسلمانلر الله تعالی یه یاردمه قوشالم ! قوشالم که الله ده بز یاردمتسین اللهم اهدنا الی سبیل الرشاد .

محمد فخرالدین